



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Iosephi in Aegyptum commigrantis. Ode Dicolos Distrophos.
XLI.

urn:nbn:de:hbz:466:1-44973

50. HUMANAE SALVTIS

Oftensus aſtri lætior aurei
Non altè fulgens ſtellifero in polo
Conſpectus ignis, innouandi
Auspicium referebat orbis.
Ergo peractis iam ſpatiis viæ,
Contingit hospes mœnia nuntius,
Qui dicat adueniſſe regem,
Gentibus & populis colendum.
Quem mox repertum lætior & Magus
Miratus, vltra quàm ſoleat puer
Mortalis, oſtendiſſe ſanctum
Vultum oculis animoque cernit.
Hinc prouoluto pectore & oſcula
Infantis addens tum pedibus noui,
Teſtatur adueniſſe numen,
Munere ter gemino ſalutat.

GENTIVM LVX.

Quæ colit agnoſcitque Deum, ſapientia vera eſt.
Quem later hoc, rudis eſt, quamlibet alta ſciat.
DEO IMMORT. HOMINI VERO
REGI LIBERATORI S.

In tabulam Iosephi in Aegyptum commigrantis.

Ode Diocolos Diſtrophos. XLI.

Dice mihi quò tenellam
Virginem (nam virgineum conſpicio decorem)
Frigore ſæuiente,
Hospes in ceſſu fugiens ſic properante ducis?
Quod pueri decori
Nomen eſt? cur ſurripis hunc æthereo parenti?
Namque tuum puellum
Eſſe mortali genere progenitum reſutant
Digna Deo tonante
Ora, maietasque oculis in teneris renidens.
Quam nemo & ſilentes
Vocis almæ vim venerantur, capiuntque ſilux,
Attonitumque flumen
Siſtit vndas præcipites blandiſono ſufurro.

Vera.

Vera rogas; perennis
 Est Dei natus puer; intactam habet is parentem.
 Virginem: ego huic vt illi
 Traditus custos monitis aligeri ministri
 Mornibus è-cruentis
 Pignus en sacrum abripio, ne violet ferocis
 Inuida vis tyranni,
 Ad Phari abiunctas properando procul exsul oras:
 Pignore quo saluem
 Sperat humanum genus, & quo reparanda primi
 Damna parentis, & quæ
 Dona nobis Numen erat pollicitum benignè.

DIVINA TVTELA.

Passidium in mediis Deus inuenit hostibus huic qui
 Sese habet; à patria sit licet exsul humo.

PRINCIPI OPT. PRO SVIS
 EXSVLANTI S.

In tabulam Iesu in templo reperti.

Ode Tricolos Tetraastrophos. XLII.

DVm virgo casti sollicitis viri
 Adiuta curis, quærere filium
 Desideratum condolenti
 Voce rogans loca cuncta lustrat:
 Fulgente solis lumine tertij,
 Templi in reductis ædibus inuenit
 Inter senum eruditiorum
 Non tacitum puerum cathedras.
 Confusa circum turba stupentium,
 Responsa fixis combibit auribus,
 Mirata maturum loquentis
 Consilium ingeniumque princeps.
 Quæ tanta vis, quid pectore numinis
 Cælestis, aiunt, in tenero latet?
 Quis verba deuoluens diserta
 Spiritus ore mouet tenello?
 Miranda certè audiuius omnia,
 Quondam neque ipsis nota Prioribus.
 An ne hunc putemus hæc magistro
 Ex homine aut didicisse libris?

D 2

Atquij :